

**PHAU NTAWV QHIA
NIAM TXIV TXIAV TXIM
KEV TEEM SIJ HAWM XYUAS
ME NYUAM KOM ZOO**

***Tsim los ntawm Minnesota Supreme Court
Advisory Task Force on Visitation and Child Support Enforcement (Kev Xyuas
Me Nyuam thiab Kev Tswj Nqi Yug Noj Yug Haus Rau Me Nyuam)***

***Pom zoo los ntawm
Minnesota Conference of Chief Judges (Cov Kws Txiaiv Txim Plaub Ntug Loj)
Ib Hlis Ntuj 1999***

***Kho Tshiab Lub Ib Hlis Ntuj Xyoo 2001
(Hloov lo lus “kev xyuas me nyuam” mus rau lo lus “sij hawm xyuas me nyuam”
raws li txoj cai)***

➤ ***Phau ntawv no kuj muaj nyob rau hauv Minnesota Supreme Court
qhov website www.courts.state.mn.us raws li
cov “Xov Xwm/Ncauj Lus Qhib Rau Pej Xeem – Ntawv nthuav tawm thiab
Ntawv Ceeb Toom”.***

***Phau ntawv no tsis muaj tus muaj txoj cai ua tswv cuab
yog li yeej luam tau tsis tag yuav tau kev tso cai los
ntawm Minnesota Supreme court (Lub Tsev Hais Plaub Qib Siab)***

Xav paub ntxiv, hu cuag:

***Court Services Division
State Court Administration
120 Minnesota Judicial Center
25 Constitution Avenue
St. Paul, MN 55155
651-297-7587***

COV TXHEEJ TXHEEM

Laj Thawj	2
Cov Kev Xav.....	2
Cov Kev Txwv	3
Teeb Meem Tshwj Xeeb.....	3
• Kev Tsim Txom Me Nyuam, Tsev Neeg Kev Sib Tsim Txom, thiab Kev Quav Dej Caws.....	3
• Thaum Tsis Muaj Ib Tug Niam Txiv Nyob Lawm	3
Tej Yam Niam Txiv Ua Tau Pab Ntxiv	4
• Txhob Muab Cov Me Nyuam Tuaj Nruab Nrab.....	4
• Tsim Kom Muaj Txoj Kev Txuas Lus Zoo	4
• Daws Teeb Meem Ceev Nrooj.....	5
• Cais Niam Txiv Sij Hawm Xyuas Me Nyuam thiab Nqi Yug Noj Yug Haus Rau Me Nyuam	5
• Hwm Cov Kev Sib Raug Zoo Ntawm Niam Txiv thiab Me Nyuam	5
• Pab Txhawb Txoj Kev Hloov Ntawm Ib Tug Niam Txiv Mus Rau Ib Tug	5
• Txhawb Kom Muaj Kev Sib Tham Hauv Xov Tooj thiab Lwm Hom Kev Sib Cuag.....	6
• Tsim Kom Cov Kev Coj Hauv Ob Lub Tsev Zoo Sib Xws	6
• Cia Me Nyuam Muaj Lawv Li Teej Tug.....	6
• Txhawb Txoj Kev Sib Cuag Nrog Tej Niam Tais Yawm Txiv Pog Yawg thiab Lwm Cov Txheeb Ze	6
• Pab Kom Swm Txoj Kev Hloov Sij Hawm Ib Ntus	6
• Pab Kom Cov Kev Mus Ua Si Kev Deb Haum.....	7
• Tsim Kom Muaj Lub Sij Hawm Tos Me Nyuam thiab Xa Me Nyuam Rov Qab.....	7
Cov Tswv Yim Xyuas Me Nyuam.....	8
• Feem ntau.....	8
• Cov Me Nyuam Mos thiab Me Nyuam Me	9
Kev Pab Tab Raws Qib Loj Hlob	9
Xav Txog Kev Teem Sij Hawm Xyuas Me Nyuam.....	9
Cov Niam Txiv Pab Tau Li Cas.....	9
• Cov Me Nyuam Yuav Txog Caij Pib Kawm Ntawv	10
Cov Kev Pab Raws Qib Kev Loj Hlob	10
Xav Txog Kev Teem Sij Hawm Xyuas Me Nyuam.....	10
Cov Niam Txiv Pab Tau Li Cas.....	10
• Cov Me Nyuam Kawm Ntawv Qib Qis	11

Kev Pab Tab Raws Qib Loj Hlob	11
Xav Txog Kev Teem Sij Hawm Xyuas Me Nyuam.....	11
Cov Niam Txiv Pab Tau Li Cas.....	11
• Me Nyuam Hluas	12
Kev Pab Tab Raws Qib Loj Hlob	12
Xav Txog Kev Teem Sij Hawm Xyuas Me Nyuam.....	12
Cov Niam Txiv Pab Tau Li Cas.....	12
Cov Lus Xaus	13

LAJ THAWJ

Tshwj tsis yog muaj teeb meem tshwj zeeb tshwm sim rau cov me nyuam, lawv loj hlob zoo dua thaum lawv muaj leej niam thiab leej txiv ob leeg txhawb lawv siab ntsws thiab koom nyob ua ib ke. Niam txiv txoj kev koom tes nyob ua ke txhawb txoj kev sib raug zoo ntawm me nyuam thiab niam txiv thiab txhawb muaj kev kaj siab thiab kev sib raug zoo nrog lwm leej lwm tus. Nws kuj zoo heev rau ob niam txiv thiab vim ob niam txiv yuav muaj txoj kev sib raug zoo nrog nkawd cov me nyuam thaum cov me nyuam loj tuaj.

Cov niam txiv uas tsis nyob ua ke, nws tseem ceeb heev uas yuav tau muaj kev sib koom tes pub kom muaj txoj kev zoo rau cov me nyuam. Cov me nyuam yuav swm tej kev puas ntsoog thiab kev ploj tuag zoo dua yog lawv niam thiab txiv nrhiav kev kom txawj sib txuas lus zoo, txawj daws teeb meem zoo thiab txawj zam kom txhob muaj muaj teeb meem heev. Nws tseem ceeb heev uas ob niam txiv yuav tsum nco ntsoov tias tsim kom muaj txoj kev sib raug zoo ntawm tus me nyuam thiab leej niam leej txiv yog txoj kev yuav tau tag lub neej. Lub ntsiab kom muaj txoj kev sib raug zoo ntawm tus me nyuam thiab leej niam leej txiv yog siv lub sij hawm ua ke kom muaj nuj nqis tsis yog siv sij hawm ua ke ntau nkaus xwb.

Tsim npaj kom leej niam leej txiv muaj lub sij hawm saib xyuas me nyuam yog ib yam uas cov niam txiv muaj teeb meem heev. Phau ntawv no tsim los pab cov niam txiv npaj cov sij hawm los xyuas nkawd cov me nyuam txoj kev loj hlob txij thaum yug kiag txog thaum tiav hluas. Yuav qhia cov peev xwm uas me nyuam muaj thaum lawv loj hlob ib qib zuj zus ces yuav qhia tswv yim rau niam txiv muab sij hawm los saib xyuas raws kom txhawb txoj kev noj qab haus huv ib qib zuj zus. Qhov yuav xyuas tseeb yog kom cov niam txiv muab cov sij hawm kom haum raws li cov me nyuam txoj kev hloov kom muaj paus muaj ntsis thiab paub tseeb tias yuav zoo li cas kiag tiag thiab kom tsis txhob nruj nruj heev thiaj hloov tau ntau zaus thiab hloov tau lub sij hawm kom ntev tsim nyog xyuas tau nkawd cov me nyuam cov kev ncuu thaum lawv loj hlob zus.

Txhawb cov niam txiv kom ras txog tias lub sij hawm xyuas me nyuam zoo rau ib tug yuav tsis zoo tag rau nws cov nus los yog kwv tij thiab cov muam los yog viv ncaus. Cov niam txiv yuav tsum ras tias cov sij hawm zoo rau cov me nyuam tej zaum yuav tsis zoo rau ob tug niam txiv. Kom zoo rau nkawd cov me nyuam, tej zaum ob niam txiv yuav tau tso pov tseg lwm cov sij hawm rau lwm yam thiab xaiv los saib xyuas cov me nyuam, txawm nkawd yuav tsis yeem siab tag. Ntau cov niam txiv yuav tau xam txog nkawd txoj kev poob tej neeg nkawd tshua, kev ntshaw, kev npau taws los yog kev chim siab thaum teem cov sij hawm xyuas cov me nyuam kom yog cov caij nyooog zoo rau cov me nyuam tiag.

COV KEV XAV

Cov lus hauv phau ntawv no yog tsim muaj raws li cov kev xav nram no:

- Tus me nyuam yuav tau txiaj ntsim zoo yog muaj kev sib cuag mus los tas li nrog leej niam thiab leej txiv.
- Ib tug niam los yog txiv yuav tsum tau los yog muaj tus me nyuam nyob nrog nws.
- Ib tug niam los yog txiv yuav tau ua txoj luag num saib xyuas tus me nyuam txhua hnuv.
- Ob niam txiv yeej haum ua leej niam leej txiv rau tus me nyuam.
- Ob niam txiv yuav tsum txaus siab thiab saib xyuas tau tus me nyuam.
- Tsis pub muaj txoj kev tsim txom me nyuam, kev ua phem, kev niam txiv sib ceg sib ntaus thiab kev quav tshuaj yeeb.

COV KEV TXWV

Cov ncauj lus hauv phau ntawv no:

- **TSIS TXHOB** hloov los yog kho lub sij hawm niam txiv saib me nyuam uas tus niam txiv twb pom zoo los yog lub tsev hais plaub yuam lawm.
- **TSIS TXHOB** txwv los yog txiav cov niam txiv los yog cov kws txiav txim plaub ntug kom teem cov sij hawm niam txiv saib xyuas me nyuam txawv dua cov teev muaj nyob hauv phau ntawv no.
- **TSIS TXHOB** yuam kom niam txiv muaj sij hawm saib me nyuam tsawg heev los yog ntau heev.
- **TSIS PUB** kom haum rau txhua tsev neeg los yog txhua yam teeb meem tshwm sim rau me nyuam.
- **TSIS YOG** "txoj cai" thiab thaum muaj kev pom zoo rau lawv ua raws, cov niam txiv tsis tag yuav ua raws li cov lus pom zoo muaj nyob rau hauv phau ntawv no.

TEEB MEEM TSHWJ XEEB

Cov lus pom zoo rau niam txiv xyuas me nyuam hauv phau ntawv no yuav tsis haum yog txoj kev txhawj xeeb yog txhawj txog tus me nyuam txoj kev nyab xeeb ntawm me nyuam lub siab ntsws los yog lub cev thaum nws nyob nrog ib tug niam los yog txiv. Tej zaum cov lus pom zoo rau niam txiv xyuas me nyuam hauv phau ntawv no yuav tsis haum los yog tej zaum yuav tau kho kom haum yog tias muaj tej yam tshwj xeeb nram no tshwm sim:

- Muaj kev ntaus, kev ua dev ua npua los yog kev tsim txom siab ntsws.
- Muaj kev sib tsim txom los ntawm ob niam txiv los yog ntawm ib tug niam tug txiv thiab tus me nyuam.
- Muaj kev quav yeeb quav tshuaj los yog quav dej caw.

Kev Tsim Txom Me Nyuam, Tsev Neeg Kev Sib Tsim Txom thiab Kev Quav Dej Caws

Cov niam txiv uas muaj kev txhawj xeeb txog lawv cov me nyuam txoj kev nyab xeeb yuav tau nrhiav kev pab los ntawm tus kws lij choj, tus pab mloog ob tog li teeb meem, kev pab hauv tsev hais plaub, kws pab me nyuam kev puas siab ntsws, chaw khiav dej num pab tsev neeg kev sib tsim txom los yog lub chaw pab kev noj haus hauv koj lub cheeb nroog.

Thaum Tsis Muaj Ib Tug Niam Txiv Nyob Lawm

Thaum ib tug niam txiv twg tsis tau koom kev ua neeg nrog ib tug me nyuam los yog tsis muaj kev sib cuag nrog ib tug me nyuam mus ntev lawm, xws li tsis sib pom, tsis sib tham hauv xov tooj, los yog tsis sib sau ntawv, ob niam txiv yuav tau xav txog tej yam teeb meem uas yuav tshwm sim thaum tus niam txiv uas tsis nyob ntev ntev no cia li ho los nyob nrog tus me nyuam ua ke ntev ntev los yog cia li ho nyob pw ua ke. Tej zaum yuav pib nthuav qhia txog tus niam tus txiv rau tus me nyuam thaum txog lub sij hawm xyuas me nyuam, uas yuav tau npaj kom paub txog tus me nyuam qib hnub nyoog thiab ras paub txog tus me nyuam txoj kev yuav rov swm tus niam tus txiv ntawd.

TEJ YAM NIAM TXIV UA TAU PAB NTXIV

Txhob Muab Cov Me Nyuam Tuaj Nruab Nrab

- **Cov niam txiv tsis txhob siv lawv cov me nyuam ua cov neeg cev lus thaum lawv muaj teeb meem thiaj yuav pab tau kom nkawv cov me nyuam tsis txhob nyob nruab nrab ntawm cov teeb meem.** Tej zaum thaum chiv thawj tsuas kom tus me nyuam nco qab ntsoov noj tshuaj xwb. Lwm zaus ces hais txog nyiaj yug noj yug haus rau me nyuam yuav tuaj lig lawm. Tu siab peb yeej paub tias cov xov xwm phem li no ua li cas rau tus neeg uas hnov txog. Yog tias qhov xov xwm nyuab rau ib tug laus hnov, xav seb yuav nyuab npaum li cas rau tus me nyuam mus hais qhov xov xwm ntawd. Niam txiv yuav tsum sib tham tim ntsej tim muag los yog daws teeb meem kom nkawd ob leeg pom zoo es tsis txhob siv cov me nyuam ua cov neeg xa xov rau nkawd.
- **Cov niam txiv tsis txhob siv lawv cov me nyuam ua cov neeg ceeb toom qhia txog lwm tus niam tus txiv tov lub neej.** Txhua zaus cov me nyuam ntshai tsam tus lawv hlub tsis ntseeg lawv, los yog ib tug niam txiv kom nws dag rau lwm tus niam txiv, tus me nyuam yuav xav phem rau tus kheej los yog lawv yuav xav tias lawv tsis hlub lawv niam los yog lawv txiv lawm. Leej niam leej txiv yeej xav paub txog cov me nyuam lub neej thiab nug tau tias, “koj txoj kev sib xyuas thaum ob hnub so zoo li cas?” Tiam sis qhov koj nug tsis yog xav paub txog tus me nyuam, tus me nyuam yuav paub tias koj tsis yog nug txog nws tiag ces tus me nyuam yuav pib chim thiab xav tias yog koj siv nws xwb.
- **Cov niam txiv yuav tshem cov me nyuam tawm hauv nruab nrab ntawm cov laus tej teeb meem yog tias ib tug niam los txiv tsis txhob hais phem txog lwm tus.** Tej cov niam txiv npau taws heev rau tus txij nkawm uas nws ua heev heev rau nws cov me nyuam pom. Lwm cov niam txiv yuav qhuas tus kheej thiab hais phem txog tus txij nkawm tod. Cov me nyuam pom ob tog niam txiv huv si. Yog tus niam txiv twg txo nws tus txij nkawm li hwj chim, tus me nyuam mloog zoo li yog txo nws hwj chim lawm thiab.

Tsim Kom Muaj Txoj Kev Txuas Lus Zoo

Cov niam txiv pab tau lawv cov me nyuam yog tsim kom txawj sib hais lus. Chiv thawj, cov niam txiv yuav tseg tsis taus txoj kev hais txog cov teeb meem ntawm txoj kev ua niam txiv los yog tseg tsis taus pheej yuav qhia thiab paub txog cov me nyuam. Ob niam txiv txiav tau qhov teeb meem no yog nkawd xyaum sib tham txog cov me nyuam “zoo li neeg ua lag luam” tham. Qhov no txhais tau tias tej zaum yuav tau pom zoo rau lub sij hawm, qhov chaw thiab txoj kev sib txuas lus. Tej zaum yuav tau npaj ib cov lus kom sib tham raws li cov lus npaj ntawd. Tej zaum cov niam txiv uas muaj muaj teeb meem tas li, muaj kev heev siab los yog muaj teeb meem sib ceg sib ntaus yuav sau ntawv sib txuas lus tau zoo dua los yog siv ib tug neeg laus pab cev lus yuav zoo tham dua. Tshwj tsis yog muaj Kev Yuam Tiv Thaiv los yog lwm cov kev yuam los ntawm tsev hais plaub, ob niam txiv yuav tsum pom zoo kom muaj lwm tus neeg paub nkawd cov chaw nyob tom tsev thiab tom hauj lwm thiab cov xov tooj. Thaum muaj Kev Yuam Tiv Thaiv los yog lwm cov kev yuam los ntawm tsev hais plaub txwv tsis pub muaj kev sib cuag, tus niam txiv yuav tau ua raws li lub tsev hais plaub cov kev cai kom hloov tau txoj kev yuam ntawd kom kheev muaj kev sib txuas lus txog cov me nyuam.

Daws Teeb Meem Ceev Nrooj

Cov niam txiv pab tau lawv cov me nyuam yog nkawd sib koom tes thiab daws tej teeb meem ceev nrooj. Cov me nyuam uas leej niam leej txiv muaj teeb meem tas li txog kev sib xyuas me nyuam, kev yug noj yug haus rau me nyuam los yog lwm yam teeb meem yuav chim siab, ntxhov siab, nyuab siab los yog tsis loj hlob zoo. Cov niam txiv muaj ntau txoj kev los daws teeb meem, xws li tham kom tau tswv yim los ntawm tsev neeg, cov coj kev ntseeg, cov pab txiav txim plaub ntug, cheeb nroog cov kws khiav dej num kev yug noj yug haus rau me nyuam, cov kws lij choj thiab lwm cov neeg. Tej zaum cov niam txiv kuj nrhiav tau kev pab rau cov me nyuam los ntawm tus kws pab kev puas siab puas ntsws los yog nrhiav kev pab los ntawm tej koom haum pab kev noj kev haus. Cov neeg khiav dej num hauv tsev hais plaub muaj cov neeg mloog ob tog plaub ntug thiab cov neeg tswj niam txiv xyuas me nyuam npe. Lub chaw cov kws lij choj koom tes muaj npe rau cov kws lij choj.

Cais Niam Txiv Sij Hawm Xyuas Me Nyuam thiab Nqi Yug Noj Yug Haus Rau Me Nyuam

Cov niam txiv pab tau lawv cov me nyuam yog tsis txhob txiav nqi yug noj yug haus los yog txiav sib hawm xyuas me nyuam. Cov me nyuam loj hlob zoo dua yog lawv muaj kev txhawb zog siab zog ntsws thiab txhawb nyiaj txiag thiab muaj leej niam leej txiv ob leeg koom tsis cia ncu. Ib tug niam tug txiv tsis muaj cai txiav sij hawm saib xyuas me nyuam los yog txiav nqi yug noj yug haus vim tus txij nkawm tsis ua raws li lub tsev hais plaub cov lus yuam rau txoj kev xyuas me nyuam los yog nqi yug noj yug haus rau me nyuam. Txhais tau tias:

- Tus leej niam leej txiv uas tau tus me nyuam txiav tsis tau txoj kev xyuas me nyuam vim yog tus niam tus txiv uas tsis muaj cai tau tus me nyuam tsis them nqi yug noj yug haus rau me nyuam.
- Tus niam tus txiv tsis muaj cai tau me nyuam txiav tsis tau nqi yug noj yug haus vim yog tus tus niam tus txiv tau tus me nyuam tsis kheev mus xyuas me nyuam.

Muaj tej kev ua hauj lwm zoo, haum thiab raws kev cai lij choj rau cov niam txiv siv los daws tej teeb meem nqi yug noj yug haus thiab sij hawm xyuas me nyuam. Tej zaum cov niam txiv uas muaj teeb meem nrog sij hawm xyuas me nyuam los yog nqi yug noj yug haus rau me nyuam yuav tau mus ntsib ib tug neeg mloog ob tog teeb meem, tus kws lij choj, tus tswj sij hawm xyuas me nyuam, los yog lub chaw khiav dej num pab nqi yug noj yug haus rau me nyuam.

Hwm Cov Kev Sib Raug Zoo Ntawm Niam Txiv thiab Me Nyuam

Ob niam txiv pab tau nkawv cov me nyuam yog saib tus me nyuam txoj kev sib raug zoo nrog tus txij nkawm rau nqi. Tshwj tsis yog ob leeg niam txiv pom zoo, ob niam txiv yuav tsum tsis txhob txwm npaj ua ub no kom sib cuam tshuam cov sij hawm xyuas me nyuam. Lub sij hawm uas teem rau tus niam txiv xyuas tus me nyuam yog tus niam txiv thiab tus me nyuam nkawd lub sij hawm ua ke. Tus niam txiv tod yuav tsum tsis txhob cuam tshuam lub sij hawm no. Cov niam txiv pab tau nkawd cov me nyuam yog kho cov sij hawm xyuas me nyuam kom txaus mus ua lwm yam zoo ntxiv.

Pab Txhawb Txoj Kev Hloov Ntawm Ib Tug Niam Txiv Mus Rau Ib Tug

Ob niam txiv pab tau nkawd cov me nyuam txoj kev hloov ib lub tsev mus rau ib lub yog nkawd to taub cov me nyuam txoj kev ntxhov siab thiab qhia kom cov me nyuam ntseeg tias nkawd yeej hlub lawv tiag thiab yuav koom nrog lawv ua ke hauv lawv lub neej. Cov me nyuam muaj kev ntxhov siab vim yog txoj kev sib cais. Qhov no txhais tsis tau tias tus me nyuam tsis muaj txoj

kev sib raug zoo nrog nws leej niam leej txiv. Rau tus me nyuam yuav zoo li rov sib nrauj los yog sib cais dua xwb. Cov me nyuam tsis tau nto hnuv nyoog tsib xyoos yuav tsis to taub sij hawm, xws li cov teev, cov hnuv los yog cov hnuv so. Ib txoj kev kom cov niam txiv pab tau cov me nyuam me to taub tias thaum twg tus me nyuam yuav tau nrog tus niam los yog tus txiv ua ke yog zascov ntawv teev caij hnuv nyoog kom muaj kob sib txawv rau tus niam thiab tus txiv.

Txhawb Kom Muaj Kev Sib Tham Hauv Xov Tooj thiab Lwm Hom Kev Sib Cuag

Ob niam txiv pab tau nkawd cov me nyuam yog hu xov tooj thiab sau ntawv rau lawv thiab txhawb kom lawv hu thiab sau ntawv rau tus txij nkawm thiab. Cov me nyuam ua tau zoo tshaj yog lawv muaj kev sib cuag nrog ob leeg niam thiab txiv tib si. Txawm tias lub sij hawm xyuas me nyuam yog ib txoj kev sib cuag, muaj lwm txoj kev sib cuag xws li me nyuam thiab niam txiv sib hu xov tooj sib tham, sau ntawv, sau ntawv raws e-mail, thiab lwm hom kev sib txuas lus. Cov kev hu xov tooj yuav tsum hu muaj caij nyoog thiab tus niam txiv uas yog tus hu yuav tsum yog tus them rau cov naqi. Yog tsev hais plaub tsis tau txwv, cov niam txiv yeej xa tau ntawv a dej siab, ntawv sau, tej pob khoom, sau ntawv raws e-mail, yas suab, thiab yeeb yaj kiab mus rau lawv cov me nyuam. Cov me nyuam muaj cai xa tau cov yam khoom no rau lawv niam lawv txiv thiab. Ob tug niam txiv yuav tsum tsis txhob cuam tshuam cov kev cai no.

Tsim Kom Cov Kev Coj Hauv Ob Lub Tsev Zoo Sib Xws

Ob niam txiv pab tau nkawd cov me nyuam yog coj tib cov kev cai thaum txog puas noj, txog caij pw thiab sij hawm saib ntawv. Ob niam txiv pab tau nkawd cov me nyuam yog to taub tias nws yeej tswj tsis tau kom tus niam tus txiv tod coj haum nws thiab hwm tus niam tus txiv cov kev cai. Thaum cov me nyuam me me los, lawv yeej pom tias lawv niam thiab txiv cov kev tu me nyuam yeej sib txawv. Cov me nyuam yeej swm taus tej yam sib txawv me ntsis hauv lawv niam thiab txiv ob lub tsev. Cov me nyuam yuav loj hlob zoo dua yog niam thiab txiv coj kom zoo sib xws me ntsis hauv nkawd ob lub tsev vim yuav pab kom me nyuam paub qab paub hau dua.

Cia Me Nyuam Muaj Lawv Li Teej Tug

Ob niam txiv pab tau nkawd cov me nyuam kom swm txoj kev nyob hauv ob lub tsev sib txawv no yog muaj me nyuam tej teej tug, xws li khaub ncaws, tshuaj thiab khoom cuab yeej. Ob niam txiv pab tau nkawd cov me nyuam yog xa tej teej tug xws li tej pam, khoom ua si, duab los yog tej yam pab kom nws nco tej zoo txog tus niam tus txiv tod.

Txhawb Txoj Kev Sib Cuag Nrog Tej Niam Tais Yawm Txiv Pog Yawg thiab Lwm Cov Txheeb Ze

Ob niam txiv pab tau nkawd cov me nyuam yog pab teem caij rau cov me nyuam mus sib cuag nrog lawv leej txiv cov txheeb ze kwv tij thaum lawv nrog lawv txiv ua ke, thiab npaj kom mus sib cuag tau nrog lawv niam cov neej tsa thaum lawv nrog lawv niam. Cov me nyuam uas yeej muaj txoj kev sib ncawg nrog lawv cov pog yawg niam tais yawm txiv thiab lwm cov txheeb ze yuav tsum cia muaj txoj kev sib cuag nrog lawv mus li, tsis li ces lawv yuav tsis pom qab ua neeg.

Pab Kom Swm Txoj Kev Hloov Sij Hawm Ib Ntus

Ob niam txiv pab tau nkawd cov me nyuam yog qhia ntxov rau cov me nyuam thaum tus niam txiv twg yuav hloov lub sij hawm xyuas me nyuam. Tsev neeg cov kev kub ceev, niam txiv muaj mob los yog niam txiv muaj los yog me nyuam muaj tej koom txoos dab tsi uas yuav tau hloov lub sij hawm xyuas me nyuam. Ob niam txiv pab tau nkawd cov me nyuam yog teem dua lub sij hawm xyuas me nyuam kom sai npaum li sai tau.

Pab Kom Cov Kev Mus Ua Si Kev Deb Haum

Ob niam txiv pab tau nkawd cov me nyuam yog nkawd npaj kom muaj cov kev mus ua si kev deb nrog nkawd cov me nyuam. Ob niam txiv pab tau nkawd cov me nyuam yog nkawd teem cov sij hawm mus ua si kev deb kom tsis txhob cuam tshuam rau tus niam txiv tod cov sij hawm xyuas cov me nyuam los yog cuam tshuam cov me nyuam cov sij hawm. Txoj kev mus ua si kev deb txawm yuav yog mus thaum lub caij so kev kawm ntawv los yeej yog ib lub sij hawm rau niam txiv thiab me nyuam tsim txoj kev sib raug zoo. Txoj kev mus ua si kev deb kuj tseem ceeb thiab vim tias tus niam txiv uas zov me nyuam kuj tau caij so. Txoj kev mus ua si kev deb muaj nqis cuag lub sij hawm xyuas me nyuam yog tias lub tsev hais plaub tsis tau txwv los yog ob tog niam txiv tsis tau pom zoo rau lwm yam txawv.

Tsim Kom Muaj Lub Sij Hawm Tos Me Nyuam thiab Xa Me Nyuam Rov Qab

Ob niam txiv pab tau nkawd cov me nyuam yog nkawd pom zoo rau tus twg yog tus tos me nyuam thiab tus xa me nyuam rov thiab pom zoo rau qhov chaw twg. Ob niam txiv pab tau kom cov me nyuam npaj tiav thiab npaj raws sij hawm. Thaum tuaj tos me nyuam thiab xa me nyuam rov, nws tseem ceeb heev uas yuav tsum tsis txhob tham tej yam kom muaj kev sib ceg. Ob niam txiv yuav tsum tsis txhob nkag mus hauv ib tug lub tsev thaum mus tos los yog xa me nyuam rov qab.

COV TSWV YIM XYUAS ME NYUAM

Feem ntau

Cov me nyuam loj hlob zoo thaum lawv muaj kev txhawb zog thiab muaj nyiaj txiag txhawb thiab muaj niam muaj txiv koom kev ua neej tsis tu ncu. Tsim kom muaj sij hawm xyuas me nyuam yog ib txoj kev tswj thiab txhawb txoj kev sib cuag. Tus me nyuam cov kev ncu yog cov ntsiab tseem ceeb uas yuav tau siv los xam txog thaum teem sij hawm xyuas me nyuam. Cov kev ncu no hloov thaum tus me nyuam loj hlob zus ib qib zuj zus thiab hloov ntawm ib qib zus mus. Piv txwv, tus me nyuam mos cov kev ncu yuav txawv cov me nyuam yaus los yog me nyuam hluas.

Seem no qhia cov hauj lwm uas cov me nyuam ua tau raws li qib loj hlob zus ua ntej yuav hloov mus rau qib tom ntej. Thaum xav txog cov hauj lwm no, yuav tsum nco rau hauv siab tias ib tug me nyuam zoo txawv ib tug, txhua tus me nyuam tsis paub tab zoo sib nrawg nroos tib yam, thiab cov laj lim plab plaw sib txawv ntau heev ntawm ib qib hnub nyoog me nyuam twg. Yog li tej cov me nyuam rau (6) xyoo yuav paub tab dua ces yuav ntse li tus me nyuam muaj yim xyoo, lwm cov me nyuam muaj rau (6) xyoo ho tsis paub tab li ces ho nyuam qhuav ntse li tus muaj tsib xyoos xwb.

Seem no qhia tswv yim muab sij hawm xyuas me nyuam uas kom txhawb txoj kev loj hlob ntawm ib qib hnub nyoog twg zus. Yuav tsis yuam kom siv, tiam sis xav kom cov niam txiv siv cov tswv yim no kom los haum rau tus me nyuam txoj kev ncu ntawm txoj kev loj hlob. Tej zaum qhov no kuj txhais tau tias niam txiv yuav tau teem sij hawm xyuas ib tug me nyuam zus.

Tus me nyuam txoj kev loj hlob nyuam qhuav yog ib yam rau cov niam txiv muab los xav txog thaum nkawd npaj sij hawm xyuas me nyuam rau ib tug me nyuam twg. Lwm yam uas niam txiv yuav tau muab los xav thaum npaj tsim cov sij hawm xyuas me nyuam muaj xws li:

- Tej yam kev ncu tshwj xeeb ntawm tus me nyuam thiab ob niam txiv.
- Cov kev ib txwm ua thiab cov sij hawm teem ntawm tus me nyuam thiab ob niam txiv.
- Tej yam kev puas siab ntsws ntawm tus me nyuam los yog ob niam txiv.
- Tus niam tus txiv li keeb kwm tu me nyuam.
- Tus me nyuam txoj kev sib raug zoo nrog tus niam tus txiv.
- Tus me nyuam txoj kev sib raug zoo nrog tej niam tais yawm txiv pog yawg thiab tej txheeb ze.
- Tus me nyuam txoj kev sib raug zoo nrog cov neeg tshiab hauv lub tsev neeg.
- Qhov kev ncu deb ntawm niam thiab txiv ob lub tsev.
- Seb tus me nyuam cov nus/kwv thiab muam/viv ncaus puas koom nrog lub sij hawm xyuas me nyuam thiab.
- Tus me nyuam lub siab lub li cas thiab lub peev xwm swm rau txoj kev hloov tsev mus los.
- Lub sij hawm ncu los ntev npaum li cas txij thaum sib cais los yog sib nrauj lawm.
- Niam thiab txiv lub peev xwm sib koom tes.
- Tus me nyuam thiab leej niam leej txiv cov kev coj thiab kev cai dab qhuas sib txawv li cas.
- Tsheb thauj mus los thiab lwm yam nuj nqis muaj feem xyuas rau lub sij hawm xyuas me nyuam.
- Lwm yam uas yuav pab kom tus me nyuam thiab tus niam tus txiv uas tsis tau tus me nyuam muaj txoj kev sib raug zoo kom zoo rau tus me nyuam tshaj plaws.

COV ME NYUAM MOS THIAB ME NYUAM ME (YUG KIAG - 2 1/2 XYOOS)

Cov Kev Pab Raws Qib Kev Loj Hlob

Cov me nyuam mos cov kev paub tab yog txawj ruaj siab rau ib puag ncig thiab ntseeg cov neeg ib ncig nws, ncawg tsawg kawg yog ib tug niam los yog txiv uas yeej xyuas tsis tseg nws, nws txawj txaus siab nrog lawv ua ke thiab quaj los yog siv lwm txoj kev qhia kom luag paub tias nws xav tau dab tsi. Cov me nyuam mos thiab me nyuam me yuav tsum muaj ob leeg niam thiab txiv puag ncig nws tsis tu ncuu thiab lawv tsis nyiam tej kev hloov heev heev ntawm lawv cov sij hawm los yog kev ua ub no. Thaum muaj hnub nyoog xws li rau (6) lub hlis, tus me nyuam pib paub cov neeg saib xyuas nws thiab lwm cov neeg, uas tej zaum yuav pib txawj ntxhov siab. Cov niam txiv ntawm tus me nyuam mos yuav pib ncawg nkawd cov me nyuam thiab paub thaum lawv cov me nyuam xav tau khoom, xav kom hlob, xav pw thiab xav tu.

Thaum cov me nyuam loj mus ua me nyuam me lawm, lawv cov kev paub tab muaj xws li: paub ras txog tus kheej, pib nyiam ua ub no nws ib leeg, pib ua kom nws tus kheej zoo siab thiab pib pw muaj caij, paub xav noj thiab paub yuav tso zis tso quav. Ntxiv mus, niam txiv txoj kev ncawg me nyuam yuav ncawg zus thaum me nyuam loj hlob zus.

Xav Txog Kev Teem Sij Hawm Xyuas Me Nyuam

Cov niam txiv muaj me nyuam mos yuav tsum teem lub sij hawm xyuas me nyuam kom zoo li qub tas li, kom paub tseeb tseeb thiab haum raws li txoj kev ua neeg. Nyob ntawm seb tus niam txiv tsis tau me nyuam cov sij hawm khoom thiab tus neeg zov me nyuam li keeb kwm tu me nyuam, tus niam txiv tsis tau me nyuam yuav tsum xyuas me nyuam luv luv (ib rau peb teev), tiam sis xyuas ntau zaus (ob rau peb zaug ib lub lim piam twg) yav nruab hnub thiab yav tav su hnub tsis tau poob. Ntev mus me nyuam mos los zus txog qib me nyuam me lawm, nws yuav swm txoj kev cais tus niam txiv tau me nyuam, ces ncuu tau kom lub sij hawm xyuas me nyuam ntev dua tau. Rau cov niam txiv uas nyob sib nruag deb heev, tus niam txiv tsis tau tus me nyuam mos los yog me nyuam me yuav tau mus xyuas me nyuam kom ze rau ntawm tus niam txiv tau me nyuam thaj tsam chaw nyob. Qhov no txhais tau tias tej zaum lub sij hawm xyuas me nyuam kuj nyob rau hauv tus niam txiv tau me nyuam lub tsev los yog ib qhov chaw ze uas tus me nyuam xis. Nws tseem ceeb heev rau ob niam txiv yuav tsum teem kom tus me nyuam mos thiab me nyuam me tau nyob nrog niam txiv ib zaug yav hmo ntuj. Sij hawm xyuas me nyuam kom pw thiab nyob ntev heev yuav tsis haum rau cov me nyuam mos thiab me nyuam me. Tiam sis yog cov me nyuam uas muaj cov viv ncaus/muam hlob los yog nus/tij laug nrog lawv ua ke thaum lub sij hawm xyuas me nyuam, tej zaum nws yuav kam pw thiab nyob ntev dua.

Cov Niam Txiv Pab Tau Li Cas

Cov niam txiv pab tau lawv cov me nyuam mos thiab me nyuam me yog:

- Tsim kom muaj sij hawm xyuas me nyuam zoo sib xws tas li, kom paub tseeb tseeb thiab zoo li qub tas li.
- Ua ub no nrog tus me nyuam rau ntawm tej chaw nws tsis ntshai thiab nws xis.
- Ntev mus ces maj mam ncuu cov sij hawm xyuas me nyuam kom ntev zus.
- Hloov niam txiv sij hawm xyuas me nyuam kom muaj pw thiab ncuu ntev zus thaum tus me nyuam yeej swm txoj kev hloov mus los ntawm ob niam txiv ob lub tsev.
- Nqa tej khoom ntiag tus, xws li cov pam, cov khoom ua si thiab cov duab leej niam leej txiv.

COV ME NYUAM YUAV TXOG CAIJ PIB KAWM NTAWV (2½ - 5 XYOOS)

Cov Kev Pab Raws Qib Kev Loj Hlob

Cov me nyuam yuav txog caij pib kawm ntawv yuav paub zus txog tus kheej. Lawv paub lus ntau heev thiab paub qhia tias lawv xav li cas. Cov me nyuam yuav pib kawm ntawv xav paub thiab xav kawm thiab txawj xav txog tej yam thiab txawj npau suav. Cov me nyuam luaj li no yuav xav tias yog tim lawv es lawv niam thiab txiv thiaj li sib nrauj los yog ua rau lawv niam thiab txiv sib cais. Lawv ntshai txoj kev tsis yuav lawv thiab npau suav xav kom lawv niam thiab txiv rov los ua ke. Txoj kev tseeb thiab kev ua ub no zoo li qub tas li yuav pab kom lawv muaj kev ruaj siab dua.

Xav Txog Kev Teem Sij Hawm Xyuas Me Nyuam

Teem kom cov sij hawm xyuas me nyuam zoo li qub thiab zoo sib xws tas li yog ib yam tseem ceeb tshaj. Rau cov niam txiv uas nyob sib nrug deb heev, tus niam txiv tsis tau tus me nyuam mos los yog me nyuam me yuav tau mus xyuas me nyuam kom ze rau ntawm tus niam txiv tau me nyuam thaj tsam chaw nyob. Qhov no txhais tau tias tej zaum lub sij hawm xyuas me nyuam kuj nyob rau hauv tus niam txiv tau me nyuam lub tsev los yog ib qhov chaw ze uas tus me nyuam xis. Me nyuam qib no yuav xis lub sij hawm sib xyuas ntev dua, nrog rau sij hawm pw yav hmo ntuj thiab. Rau cov me nyuam tseem me, kev pw nrog me nyuam yuav tau txwv li ib lim piam tsuas pub ib zaug xab. Cov me nyuam loj zog yuav nyiam pw ntau hmo thiab sib xyuas nrog niam txiv ntev dua. Piv txwv tias yog tus me nyuam muaj txoj kev sib raug zoo nrog tus niam txiv tsis tau me nyuam, tej zaum mus ua si kev deb los yeej tsim nyog mus tau. Nce sij hawm xyuas me nyuam rau hnuv so, yuav pab rau cov me nyuam pib mus kawm ntawv tau lub caij ntev rau kev hloov mus ua si deb. Txoj kev hloov mus los yuav yooj yim dua yog cov me nyuam nqa lawv tej khoom ntiag tug nrog, xws li cov pam, cov khoom ua si, duab los yog tej yam pab kom nws nco tej zoo txog tus niam tus txiv tod. Vim cov me nyuam pib mus kawm ntawv paub lus ntxiv thiab muaj peev xwm to taub lawm, nws tseem heev uas ob niam txiv tsis txhob sib hais phem txog ib tug twg los yog hais phem txog ib tug twg lub tsev.

Cov Niam Txiv Pab Tau Li Cas

Cov niam txiv pab tau lawv cov me nyuam yuav txog caij pib kawm ntawv yog:

- Tsim kom muaj sij hawm xyuas me nyuam zoo sib xws tas li, kom paub tseeb tseeb thiab zoo li qub tas li.
- Maj mam ntxiv kom cov sij hawm xyuas me nyuam ntev zus, kom pw tau thawm hmo.
- Xa tej khoom ntiag tug, xws li cov pam, cov khoom ua si, thiab cov duab leej niam leej txiv tod.
- Tsis txhob thuam tus niam txiv tod thiab nws lub tsev.

COV ME NYUAM KAWM NTAWV QIB QIS (ELEMENTARY) (5 - 12 XYOOS)

Cov Kev Pab Raws Qib Kev Loj Hlob

Cov me nyuam kawm ntawv qib qis kawm kev sib raug zoo thiab kev sib koom tes nrog cov sib luag li lawv thiab cov neeg laus. Cov me nyuam qib hnuv nyooq no, cov me nyuam pib paub ntawv thiab paub siv lub cev ntaus pob ncaws pob. Cov me nyuam qib no yuav tsum xav zoo rau tus kheej, pom tus kheej muaj nuj nqis, paub qhov phem rau qhov zoo thiab muaj txoj kev ruaj ntseg tseem ceeb heev. Cov me nyuam kawm ntawv qib qis no pom thiab xyaum ua raws li tus niam los yog tus txiv uas seb yog poj niam los yog txiv neej tib yam li nws. Cov me nyuam kuj pom lawv niam lawv txiv tib leeg kheej, ua feem ntau ntshai tsam tsis muaj niam los txiv, thiab txawj tu siab thiab npau taws vim yog leej niam leej txiv txoj kev sib nrauj los yog sib cais. Me nyuam qib no tsis xav tias yog tim nws tus kheej, tsis nyuab siab thiab tsis npaj tswv yim ua kom niam thiab txiv rov los ua ke. Cov me nyuam no yuav tsum muaj niam thiab txiv pab tswv yim tso ub no kom muaj chaw rau.

Xav Txog Kev Teem Sij Hawm Xyuas Me Nyuam

Txawm tias cov me nyuam qib no yeej ntsib kev zoo dua yog muaj qhov chaw nyob ruaj los cov me nyuam no yeej tseem yuav tau kev zoo thaum lawv nyob nrog tus niam txiv tsis tau me nyuam ntev dua piv txwv li tias nkawd yuav tsim muaj thiab tswj txoj kev sib raug zoo. Cov me nyuam qib no yuav txaus siab mus xyuas nws niam nws txiv uas tsis tau me nyuam ntev txog ob peb hnuv thiab ntev dua thaum cov sij hawm so tsis kawm ntawv thiab yav caij ntuj so. Tus me nyuam siv sij hawm nrog tus niam txiv tsis tau me nyuam ntau zus yuav pab kom tus me nyuam swm txoj kev nyob nruq nws lub vaj lub tsev dua. Rau cov me nyuam no, lawv txaus siab sib xyuas ntau zaus (tsawg kawg ib zaug ib lub lim piam twg) nrog tus niam txiv tsis tau me nyuam. Thaum tus me nyuam paub tab zus tuaj, tej zaum sib xyuas ntev heev dua thiab mus los tsawg zaus dua yuav zoo dua.

Cov Niam Txiv Pab Tau Li Cas

Cov niam txiv pab tau lawv cov me nyuam kawm ntawv qib qis yog:

- Tsim thiab ua raws li lub sij hawm teem xyuas me nyuam.
- Maj mam hloov txoj kev sib xyuas kom tsawg zaus thiab sij hawm sib xyuas kom ntev dua.
- Txhawb thiab pab hu xov tooj thiab sau ntawv sib cuag nrog tus niam txiv tod.
- Tsis txhob thuam tus niam txiv tod thiab nws lub tsev.
- Qhia rau cov xib fwb yog tus me nyuam muaj tej kev nyuab siab thiab nrhiav kev pab rau cov teeb meem muaj feem xyuam nrog txoj kev kawm ntawv.
- Txhawb thiab pab tus me nyuam kom muaj kev sib cuag nrog lub tsev kawm ntawv, cov phooj ywg, thiab kev kawm ntxiv thiab koom txoos hauv zej zog.

ME NYUAM HLUAS (12 - 18 XYOO)

Cov Kev Pab Raws Qib Kev Loj Hlob

Thaum me nyuam yuav tiav hluas, me nyuam nrhiav kom paub lawv tus kheej thiab pom lawv tus kheej muaj nuj nqis. Txoj kev paub tab no nrog rau lawv niam thiab txiv pab coj, cov me nyuam yuav tsim muaj txoj kev paub tab txog cov kev cai thiab kev coj hauv lub neej. Cov me nyuam hluas no pib cais taus lawv niam thiab txiv, uas lawv yuav tu siab tias lawv tsis me lawm, tsis muaj tus yuav saib xyuas rawv lawv lawm thiab tsev neeg tsis tiv thaiv ceev nruj lawv lawm.

Lub caij no, cov me nyuam hluas yuav kawm tau ntawv thiab/los yog muaj dag zog, nrhiav thiab mauj phooj ywg, paub zus txog kev ua ib tug poj niam los yog txiv neej, thiab pib txawj pib muaj kev nkauj nraug.

Thaum me nyuam hluas hlob tiav lawm, lawv pab tau lawv tus kheej dua lawm. Lawv kawm ua phooj ywg zoo sib ntseeg siab, pib paub txog kev ua yog thiab tsis yog, thiab pib txawj npau suav kev ntshaw. Cov me nyuam hluas no paub zus txog kev ua ib tug poj niam los yog txiv neej thiab pib paub txog kev sib daj dee. Cov hluas no yuav tsum muaj lawv niam thiab txiv koom nrog lawv lub neej. Cov me nyuam hluas yuav txaj muag thiab npau taws rau lawv niam thiab txiv txoj kev tsis sib raug zoo. Lawv pib xav phem txog lawv txoj kev sib raug zoo nrog tsev neeg thiab tej phooj ywg, ua rau lawv mob siab rau txoj kev sib raug zoo ntau heev los yog ua rau lawv cais tsis muaj kev phooj ywg. Cov me nyuam hluas kuj cia li ua tej yam tsis zoo xws li siv tshuaj yeeb los yog pib sib deev los yog ua lwm yam yeeb yam tsis zoo kom lub siab tus.

Xav Txog Kev Teem Sij Hawm Xyuas Me Nyuam

Nws tseem ceeb heev uas cov niam txiv yuav tsum muaj kev kawm ntawv, muaj phooj ywg, ua tej yam kev kawm zoo thiab koom zej zog hauv ob lub tsev neeg tib si. Nws tseem ceeb heev rau ob niam txiv muaj cov kev cai tswj nyob rau nkawd ob lub vaj tse.

Cov me nyuam hluas yuav xav nrog tej phooj ywg ntau dua nrog nws tsev neeg yog li tej thaum nws yuav tsis yeem lub sij hawm xyuas me nyuam. Cov niam txiv yuav tau txhob coj nruj nruj heev, xyaum kom swm rau txoj kev ua tus me nyuam txawj pab tau nws tus kheej los yog pab tau nws tej kev ncuu lawm. Yuav tsum tsis txhob coj nruj heev heev rau tus hluas – tsis txhob yuam tus hluas ua raws li lub sij hawm teem sib xyuas uas tus hluas tsis tau koom tes nrog teem. Kom teem tau cov sij hawm xyuas me nyuam no, yuav tsum xam tus hluas cov kev pom zoo thiab.

Ntau cov neeg hluas yeej ntsib kev zoo dua yog muaj qhov chaw nyob ruaj kom muaj tej yam ua yav hmo ntuj, cov hnuv so thiab teem ua tej yam ua nyob rau tom lub tsev tod tas li thiab kom paub tseeb tas li. Lwm cov neeg hluas tej zaum yuav nyiam siv sij hawm nyob nrog niam thiab txiv sib npaug zos, xws li nyob ob lub lim piam ntawm ib qhov chaw twg. Cov me nyuam hluas no yuav nyiam sib ntsib ib rau peb zaub ib lub hlis twg, nyob ntawm tus me nyuam cov caij nyoog khoom, nyob deb li cas thiab muaj peev xwm mus los tau yooj yim npaum li cas. Tus niam txiv tsis tau me nyuam yuav tsum muaj kev sib cuag rawv nrog tus me nyuam cov xib fwb thiab mus koom tus me nyuam tej koom txoos kev kawm thiab lwm cov koom txoos tseem ceeb.

Cov niam txiv ua nyob sib nruj deb yuav tsum muaj tus me nyuam txoj kev pom zoo nrog los teem cov sij hawm sib xyuas kom ruaj tab sis muaj peev xwm hloov tau yog tsim nyog thiab.

Cov Niam Txiv Pab Tau Li Cas

Cov niam txiv pab tau lawv cov me nyuam hluas yog:

- Teem kom cov sij hawm xyuas me nyuam muaj raws li me nyuam pom zoo nrog;
- Teem cov sij hawm xyuas me nyuam kom txhob nruj heev heev es hloov tau kom haum tus me nyuam tej kev ua ub no;
- Nco ntsoov siv cov kev cai thiab kev txib hauv lub tsev neeg; thiab

- Tsis txhob cia li xav tias tus me nyuam hloov nws txoj kev xav los yog coj cuj pwm heev yog tim tus niam txiv tod.

COV LUS XAUS

Tshwj tsis yog muaj teeb meem tshwj xeeb, cov me nyuam loj hlob zoo dua thaum lawv muaj kev txhawb zog thiab muaj nyiaj txiag txhawb thiab muaj niam muaj txiv koom kev ua neej tsis tu ncu. Txoj kev tsis muaj lawm ib tug los yog leej niam leej txiv ces yuav tsim muaj teeb meem rau txoj kev loj hlob ntawm tus me nyuam lub neej tom ntej. Cov me nyuam yuav swm tej kev puas ntsoog thiab kev ploj tuag (loss) zoo dua yog lawv niam thiab txiv nrhiav kev sib txuas lus zoo, kev txwv kom txhob muaj muaj teeb meem heev, thiab kev daws teeb meem zoo. Cov niam txiv pab tau lawv cov me nyuam kom swm txoj kev sib cais ntawm ib tug niam tug txiv yog teem sij hawm xyuas me nyuam kom haum raws li cov me nyuam cov kev ncu. Me nyuam cov kev ncu yuav hloov thaum lawv loj zus thiab los ntawm kev loj hlob ib qib rau ib qib. Vim yog li no, txhua lub sij hawm xyuas me nyuam yuav tsum tsis txhob ceev nruj nruj, yuav tsum hloov tau kom xyuas ntev dua los tau xyuas ntau zaus dua los muaj thaum tus me nyuam loj hlob zus ntawm ib qib mus rau ib qib. Nws tseem ceeb heev uas ob niam txiv yuav tsum paub tias tsim kom muaj txoj kev sib raug zoo nrog tus me nyuam yog ib txoj kev tsim mus tag hauv lub neej, thiab lub ntsiab ntawm txoj kev sib raug zoo yog siv lub sij hawm ua ke muaj nqis, tsis yog siv ntau lub sij hawm ua ke.